

Шочмо эл, порылык да чын верч!

Будь готов!

35-ше (3527) №,
2021 ий 27 август,
кугарня.



Ямде лий

1933 ий 1 февраль годсек лектеш.

0+

Йынгыр йүк үжеш урокыш

Фотом еш архив гыч налме.



Республикыште
икымше классыш
9900 икшыве кая.

Марий Элыште у
тунемме ийыште 83532
йоча парт коклаш
шинчеш.

Уремыште
йоча йүк
шергылтеш. Сылне
пеледыш аршашым
кучен, үдыр-рвезе-влак
школышко вашкат. Могай
пайрем лишемеш, палышда?
Шинчымаш кече!

М.Шкетан лүмеш Марий
национальный драме театрын
парикмахер-гримёржо Ольга
Яковлева тений кок икшы-
вым школыш ужата. Костя
эргыже И.С.Палантай лүмеш
тұвыра да сымктыш коллед-
жын национальный сымкы-
тыш гимназийжын 4-ше клас-
сышкыже вончен. Йолташы-
же-влак дене вашлийын,
шинчымаш пасум пырля
куралаш кенез гоч вийым
поген. Ончылно у сенымаш-
влак вучат. Ника икымше
гана парт коклашке шинчеш.
Икымше тунуктышо дене
вашлиймашым чон вургыжын
вуча. Ранецыш күлеш арве-
рым поген, почеламутымат
тунем ямдылен.

Шергакан тунемше-влак, у
тунемме ийыште кугу күкшы-
тыш шуаш тыланена. Днев-
никиштыда «визытан» отмет-
ке гына лийже!

Е.ИВАНОВА.

ПОДПИСКЕ

«Ямде лий» газетлан
кажне тылзын 15 числа
марте возалтын кертыда:

Индекс – П4696.

Кугарня24.рф сайтыште
«Кевыт» ужашыште «Ямде
лий» газетын номерлажым
налаш лиеш.

Рекламе.



Фотом Интернет гыч пале.

Кум эгер мучко

Шукерте огыл ме, Параньга, Оршанке, Шернур районла да Чуваший гыч 40 ўдыр-рвезе, водно-пеший походыш миенна. Немда, Пижме, Виче эгерла мучко шым катамаран дене 114 меңгым ийын эртенна (снимкыште). Лу километрым йолын ошкылынна. Кундемна

могай мотор: гүжлышө чодыра, кумда пасу, чевер кече. Буржуатский сергүм, Чумбылат курыкым, Зараменский курыкпомышым ужынна. Ияш йокрок ынже лий манын, мурым мурена, мыскарам ыштенна. Шуко йолташым муынна. Вуйлатышына-влаклан кугу таум ойлена. Вес походым моткоч вучена.

Александра ЗАЙЦЕВА.

Параньга, Усола.

Российысе увер

Ўдыр-рвезе-влак, 5 минут марте шуйнышо мультфильмым войзен, «Фестиваль уличных мультфильмов» всероссийский конкурсышко ушныза. Пашам cartoonfest.mobi сайтышке 31 октябрь марте колтыза.

«Как я провёл лето» всероссийский фотоконкурсш ушнаш кумылет уло? Моторын войзалт да фотом 13 сентябрь марте sgb@ufa-lib.ru адрес дене электрон почтыш колто.

Кажне кумылан ег «Экология и экологичность» всероссийский усталык проект конкурсыш ушнен кертеш. Проектым түрлө жанр дене возен, 19 сентябрь марте колтыман. Түрыс уверым vsekonkursy.ru сайтыште ончыза.

Марий Элысе увер

2-5 сентябрьыште Оршанке районышто Российысе марий самырык тукым слёт эртаралтеш. Тушко 18-30 ияш ўдыр-рвезе-влак ушнат. Чыла мероприятий марла лиеш.

Йошкар-Оласе «Башне» тўвыра да ончер рўдерыште «Этноблогеры большой страны» ончер почылтын. Тудо «Интеллектуал» тўвыра да увер рўдерын 10 ияш лўмгечыжлан пўлеклалтын. Выставкыште элнан түрлө кундемыштыже илыше 21 этноблогерын фотожым ужаш лиеш.

Школ лесничестве-влакым «Лучшее школьное лесничество» республикысе смотр-конкурсш ушнаш ўжыт. Йодмаш ден пашам 6 сентябрь марте marecol-center@mail.ru адрес дене электрон почтыш колтыман.

Тўткў лийза!

16-22 августышто Марий Эл Республикысе йоча да самырык-влак усталык полатын «Радужный» йоча лагерьже пелен республикысе слёт эртаралтын. Тўрлө район гыч 180 ўдыр-рвезе «ЮИД» отрядыште чолгалыкшым ончыктен. Чыла мероприятий корно правилым эскерыме дене кылдалтше лийын. Шўргыял школна гыч Аня Николаева ден Ксюша Яндакова миеныт. Участник-влак ынде раш палат: корно правилым пудырташ ок лий! Теат, йоча-влак, корнышто тўткў лийза!

Е.В.ГРИГОРЬЕВА.

Морко район.

«Россий триколор»

22 августышто Россий кугыжаныш тистын кечыжым палемдышна. Шернур посёлкысо Тўвыра да каныме паркыште волонтер-влак да ме, Самырык-влакын парламентыштын енге-шамыч, «Россий

триколор» акцияым эртарышна. Верысе калыклан тасмам пуэдышна. Россий тистын кечыже пайрем концерт дене мучашлалте.

Дима ВЕДЕНЬКИН.

1-ше номеран

Шернур школ.



У тунемме ий дене!

У ФГОС почеш



Вич у школ

2024 ий марте республикысе районлаште да Йошкар-Олаште вич у школым почшаш улыт: 2022 ийыште – Медведево посёлкышто да Йошкар-Оласе «Юбилейный» микрорайонышто, 2023 ийыште – Медведево район Руэм посёлкышто, 2024 ийыште – Йошкар-Оласе «Восточный» микрорайонышто да Козьмодемьянск олаште.

Эртыше тунемме идалык тўналгыштак у ФГОС-ым ылышыш пуртышаш улыт ыле. Пандемийлан көра тудо 2022 ий 1 сентябрь гыч шындаларташ тўнагаш.

Школын темлыме йот йылме кокла гыч кокымшым ача-аван йодмашыж почеш веле йоча тунем кертеш. Тыгодым тунемме тўнежыште кокымшо йот йылмым туныкташ йон лийшаш.

Школышто финанс грамотностьлан тўткышым ойыраш тўналыт. Тўналгыш класслаште окружающий мир ден математике уроклаште палыме лийыт гын, кугурак класслаште обществознаний, информатике, географий уроклаште лончылаш тўналыт.

Математике, химий, физике предметлам кок күкшытыштö: базовый да келгын – туныкташ тўналыт.



Школыш вашкена

Ал букетым кидыш налын, Тупышко сумкам сакен Вашкена ме таче школыш, Куанен да йывыртен.

Чыландам ме тиде кечын Пайрем ден саламлена. Кушкаш писын, шуаралтын Тыланда тыланена.

Аня АНДРЕЕВА.

Кужәнер,

Тошто Йўледёр.

Икымше гана

Икшывыда икымше гана парт коклашке шинчеш. Могай шижмаш чоныштыда озалана? Школлан ямде улыда?



М.Шкетан лўмеш **Марий** национальный драме театрын артиште **Марина ВОРОНЦОВА:**

– Чон моткоч тургыжлана. Ик классыште 30 йоча лиеш. Кузе ўдырем тунемаш тўналеш? Йоча-влак туныктышым умылен шуктат мо? Нине йодышшамыч ушышто пёрдыт. Школлан кўлеш арверым наледена, книгаг лудына. Мирославан кумылжо нёлталтше. Но мо тыгай школ, эше огеш умыло, очыни. Икымше классыш кайыше икшыве-влакым уло кумылын саламлем. Пўсö ушан лияш, тыршен тунемаш тыланем. Туныктышыш мутшым колыштса!

Республикысе курчак театрын художественный вуйлатышыже **Алексей ЯМАЕВ:**

– **Аня ўдырна** **Иван Степанович** Палантай лўмеш тўвѳыра да сымктыш колледжын национальный сымктыш гимназийжын художественный пёлкашкыже тунемаш пурен. Ончыкылык сўретче-дизайнерым кушташ тўналына. Тунемме арверым, вургемым ончылгоч ямдыленна. Кугу тургыжланымашым огына шиж. Школ келша, шуко туныктышо дене шукертак палыме улына. Ўдырнан классыштыже йочасадыш пырля коштыш кок йолташ ўдыржö лиеш.



Х.АЛЕКСАНДРОВА мутланен.

Кокымшо ава

Рената Ивановна Караваева (снимкыште) мемнам ныл ий туныктен. Тудо поро кумылан, шыма койыш-шок-



тышан туныктышо. Кеч-могай йодышлан вашмутым муын моштен. Чоныштына шўлык озаланен гын, тудлан эгертенна. Ме визымше классышке кусненна. Шулдыржо йымач лектынна гынат, тудым ўмыр мучко шарнаш тўналына. Туныктышына кокымшо ава гай.

Виолетта ТРИФОНОВА.

Советский, Кельмаксола.

Фотом еш архив гыч налме.

Синквейн

Туныктышо
Поро, ушан.

Эскера, полша, туныкта.
Илыш корнышко луктеш.
Кокымшо ава.

Полина ШАБДАРОВА.
Шернур, Купран.



Книгадыме
сурт –
окнадыме
пӧлем дене
иктак.

Г.МАНН.

#Луд
#Лончыло
#Лий_ончылно



Поэтессе, Россий писатель
ушемнын енге, Морко
район Ушӱттӱр ялын ӱдыржӧ
З.А.ТИМОФЕЕВА-ВИСВИС
(снимкыште) 31 августышто 55
ийым тема. Ту-
дын дене шин-
чаваш кутырышна.

– Зоя Александровна, сыл-
нымутлан школышто ту-
неммыда годым шӱманьында,
очыни.

– Морко районысо Изнур
школышто 5-ше классыште
тунеммем годым теле нерген
почеламут почын. Тудым тет-
радышкем пыштенам да серы-
шемным марий йылмым да лите-
ратурым туныктышо Елизавета
Егоровна Кудряшова ужын.
Сылнымут кружокышко кош-
таш темлен. Пашам-влак «Ямде
лий» газетыште савыкталтыныт.
Газетыште шке лӱмемым
ужаш эре кугу куан лийын.
Туныктышем класс ончылно
тидын нерген ойлен. «Ямде лий»
газет гыч Валентин Исенеков
серышым чӱчкыдын серен. Тиде
кыртмен пашам ышташ да сыл-
нымут корно дене ӱшанлын
ошкылаш таратен.

– Умбакеже мастарлык-
дам кушто таптенда?
Сылнымут корныштыда кӧ
шӱжалтышымын ыштен?

– Н.К.Крупская лӱмеш
пединститутым тунем
пытарымеке, йочаса-
дыште тыршен-
нам. Ус-

Лагалыме
Зоя Алексан- талык
дровна! Шушаш шӱ-
шочмо кечыда дене уло
кумылын саламлена!
Вурс гай пекгыде тазалы-
кым, йолгорно гай кужу
ӱмырым, усталык па-
шаште сеңымашым
тыланена.

«Ямде лий» газет
редакцийын
пашаенже-влак.

лышан улмемым шижыныт да
ик заводын тӱшкагудышкыжо
воспитательлан пашам ыш-
таш темленыт. Мый творче-
ский енг-влак дене вашлийма-

шинчымемым ӱдырем шекла-
нен шуктен. Мом шонкалымем
нерген ойлымекем, ӱмбакем
тӱткын ончен да «Висвис»
псевдонимым пуэн.

«Поэзий – мыйын йолташем»

– Те поче-
ламут деч
посна ойлымышымат, мыс-
каражат возеда. Но поэзий
утларак лишыл. Поэзий –
тиде мо тыланды?

– Тиде шӱм-чонышто улшо
шижмашем, илыш умылыма-
шем. Почеламут корныла дене
ойгемым, куанемым почын
ончыктем. Поэзий – мыйын
йолташем. Кеч-кунамат мый
тудын деке энертем.

– Те кугыен-влаклан ятыр
сылнымутым пӧлекледа.
Йоча-шамычлан возаш ку-
мыл уке?

– Йоча-влаклан пӧлеклалт-
ше икмыняр почеламут са-
выкталтын. Уныкамлан кор-
нылам возем да лудам. Тудо
шкежат изирак почеламут-
влакым шонаш тӱналын.

– Юбилейда лишемеш. У
книга дене куандареда,
очыни.

– Усталык касым эртарынем
ыле. Пандемий чаракым ыштгыш.
Лишыл жапыште «Шӱмбел
ӱшӱт воктене» у книгам лекшаш.
Тушко илыш, пӱртӱс, шочмо
кундем, йӧратымаш нерген
мыскара сынан почеламут-вла-
кым пуртымо. Муро-влакын
шомакыштымат лудаш лишеш.

– Самырык возкалыше-
влаклан мом тыланеда?

– Почеламутым але ойлы-
машым возеда гын, марий
йылме да литератур ден
туныктышылан ончыкташ ида
ӧр. Газет ден журналлашке
Интернет йӧн дене колташ
лиеш. Шкем тергаш кызыт
шуко йӧн уло.

Х.АЛЕКСАНДРОВА
мутланен.

Фотом еш архив гыч налме.



#Лӱмгече

шым эртаре-
нам. Нунын чон йӱлен калас-
калымыштым колыштын,
сылнымутлан утларак шӱ-
мангынам. Марий серызе-влак
Вячеслав Абукаев ден
Геннадий Пирогов газетыште
журналист семын вийым тер-
ген ончаш темленыт. «Кугарня»
газетыште пашам ыштымем
поэзийыште кугу шӱжалты-
шым ыштен. Кызыт пашам
рекламе дене кылдалтын
гынат, тӱрлӧ темылан статьям
возем да «Поэзий унагудо»
вияш эфирым эртарем.

– Тендам кызыт Зоя
Висвис семын палена. Молан
тыгай шоаялӱмым налында?

– Почеламутем-влакым
«Марий Эл» газетышке кол-
тылынам. Тунам тушто
пашам ыштыше писатель
Юрий Галютин шоаялӱм дене
савыкталташ темлен. Ик
кастене шуко жап шонен



#Луд#Лончыло#Лий_ончылно

Г.Матюковскийын
«Петю»
поэмыже
почеш

Кроссворд



Шола гыч
пурлашке:

- 2.Шудо жап
годым мо тўналын?
6.Петю кō гай лий-
неже? 8. Энер лўм.
9.Петю пожар годым кōм утарен?
1.Петюн йоратыме геройжо. 3.Энер
лўм. 4.Урал рвезе Вася ... 5.«Я ... тап
пелен». 7.Петю тудын дене пырля ата-
кышке каен.

В.СМИРНОВ ямдылен.

Книга - лишыл
йолташ

Ксюша КАМАЛИЕВА (сним-
кыште) Медведево район
Пекшиксоло школышто тунемеш.
Мураш, кушташ, книгаг лудаш
йората. Школышто «нылытан-
лан» да «визытанлан» тунемеш.
Йоратыме урокшо - марий
йылме. Тудым Г.А.Петрова
туныкта.

- Книга - лишыл йолташем, -
ойла Ксюша. - Галина
Алексеевна каласкалымжым
тўткын колыштам. Марий
йылме муро гае ныжылге.
Сандене марий серызе-влакын
сылнымутышт чонемлан ли-
шыл. Почеламутыштым куштылгын да писын
тунемаш лиеш.



Е.ИВАНОВА.
Авторын фотожо.

#Лудшо_ен-ончыльен

Шочмо верым шымленыт

Буймо книгагудышто
«Буймо да Мандык яллан
лўман верже-влак» онлайн-
конкурс эртаралтын. Мут-
лан, ялыштына Йыван пўя
уло. Тудо молан тыге манал-
теш? Мандык ялыште
Маска коремым палена.
Молан Маска лўмым пуэ-
ныт? Йоча-влак коча-
ковашт, ача-авашт деч
йодыштыныт, кундемысе

верла нерген уверым поге-
ныт. Ёдыр-рвезе-влак шуко
ум да онгайым пален налы-
ныт. Книгагудышто тыгай
пашам чўчкыдынрак эрта-
раш кўлеш. Тудо самырык
тукумым краеведенийлан
шўманда.

Ж.Г.ИШМУРЗИНА,
книгагудо вуйлатыше.
Татарстан, Агрыз.

Лўддымō ёдыр

Кенеж каникул жапыште
шуко ойлымаш ден йомакым
лудынам. Виталий Бианкин
«Аришка-Трусикка» йомак-
ше эн чот келшен. Тўн ге-
рой - Ариша лўман ёдыр.
Тудо чыла деч лўдын. Аваж
дене пырля чодыраш
эныжым погаш
кайымыж деч
вара лўды-
жым чарнен.
Кузе? Пален
налнеда гын,
теат лудса.



Артём ИВАНОВ.
Йошкар-Ола,
21-ше №-ан школ.

Палаш онгай

- ➔ Российыште эн кугу
библиотекалан Моско
Российысе кугыжаныш кни-
гагудо шотлалтеш. Тудын
фондшо - 42 миллион утла савыктыш.
- ➔ Ожно Европышто тўшка библиотекалаште книга-влакым
полкышко шинчыр дене пижыктеныт. Тыгай йон дене XVIII
курым марте пайдаланеныт. Тунам каже книга шергын
аклалтын.

#Сўрет_ончер



Йоча-влак,
тиде сўретым
могай
йомак
почеш
сўрет-
лыме,
палыза.



Лиана
МИХАЙЛОВАН сўретше.
Татарстан, Агрыз, Буймо.

Россий Федерацийысе цифровой
виангаш, связь да массовый коммуникаций
министерствын окса польшыж дене лукмо.

«Эрык муро» эрыкым шарен

Морко калык В.Мухин-
Сави дене кугешна. Тудо
калыкын тўвыражым,
ильш-йўлажым шымлен,
калык коклашке эрык южым
шараш тыршен. Владимир
Мухин пўсō уш-акылан мер
пашаен, пагалыме тунык-
тышо да шанчызе лийын.
Калык образований
пōлкаште пашам
ыштымыж годым

икшыве-влаклан учебник
ден лудшаш книга-влакым
луктын. Тудо научно-позна-
вательный сылнымутлан
тўналтышым пыштен. Мый
Тыгыде Морко ялысе кни-
гагудышто «Эрык муро» кни-
гажым лудынам да серызе
нерген шуко пален налынам.

Настя ГАВРИЛОВА.
Морко, Коркатово.



Чеверын, кенеж!



Конга шенгелне
шудышырчык
Кенежым шарналтен
шортеш.
А.ВАСИЛЬЕВ.



Шем теңыз серыште

Шукерте огыл Шем теңыз воктеч канен толна. Анапа деч тораште огыл верланыше Витязево посёлко моткоч сылне верыште верланен. Шем теңыз сер ынеж колто ыле. Абрау-Дюрсо селла, Азов теңыз да м о л о в е р л а ч о н н а м к у а н д а - р ы ш т . Абрау ер кастене п у й т о ю з о й о м а к ы ш с а в ы р н а .



Л у м и н у т а ш «куштышо да мурышо» фонтаным ончен шерет огеш тем.

Настя ИВАНОВА.
Морко, Коркатово.
Фотом еш архив гыч налме.

Кок кече семын

Уло чон дене каналташ йоча лагерьыш миенан. Куштымо сменяште лийынам. Ме түрлө сынан куштымашым шынденна. Спорт олимпиадыште, актёрла модмаште да моло мероприятийлаште мастарлыкнам ончыктенна да ушакылнам тергенна. Яра жапна йөршынат лийын огыл. Шуко йолташым муынам. Кок арня кок кече семын эртен. Вес ганат тушко каяш кумылем уло.

Сева НИКИТИН.

Кужэнгер,

Шүдымарий.



Түрлө түсан

Ах, кенеж, тыйым кө огеш йöрате? Моторлыкетым ончен, саскатым тамлен шерет ок тем. Йошкар-Оласе 80-ше номеран йоча-садыш коштшо ўдыр-р везе-влак (снимкыште) кенеж нерген тыге ойлат.



Авторын фотожо.

Полина МАРКОВА: «Эн сöрал пагыт. Лыжга мардеж, шокшо игече, түрлө түсан пасу, ужар сывынан чодыра кумылым савырат».

Ксюша ВЕДЕРНИКОВА: «Кенеж йомакысе пеледыш, шонанпыл гай. Волгыдо, кечан, кумылым нöлтышö».

Варя СИВАКОВА: «Кенежым роза пеледыш дене танастарем: чевер, мотор. Куанен ончет».

Н.ГОДУНОВА.

Кодо шарналташ

Эртен кая кенежна –
Пүртүслан күлеш каналташ.
Лач кодо шарналташ гына:
Кузе миенан йўштылаш,
Кузе модынна кече мучко,
Уремыште мечым чумен.
Немда энгерем, пыртак вучо,
Колетым вашке мый кучем.

Костя ШЕХУРДИН.

Шернур, Кукнур.

«Кичиерыште» сай

Мый кенежым «Кичиер» санаторийыште каненан, тазалыкемым пенгыдемденан. Шуко йолташым муынам. Нунын дене кызыгат кылым кучена. «Кичиерыште» сай, вес ийынат тушко кайынем.

Алина СУББОТИНА.

2-шо номеран Морко школ.

Кенежым тушенгылаште нарынче лышташ коеда – шыже эр толеш.

Калык пале.

Тутло арбуз

Тений кенежым ояр игече шогыш. Шокшо вельште кушшо емыж-саскам мемнан кундемыштат кушташ лиш.

Фотом еш архив гыч налме.



Ме арбузым, дынным кумшо ий шындена. Виноградна уло. Арбуз тений öрыктарыш. Чылаже кудло почын. Моткоч кугу улыт. Шў-жарем дене нунын пелен войзалтде ышна чыте. Кочкын ончышна – тутло, шере!

Саша СТЕПАНОВА.
Волжский, Упшер.



Электротулым аныктыза



Чайникым йошкын деч чүчкыдырак арыктыза.



Холодильникым шокшым пуышо труба пелен ида веранде.



Пырдыжеш волгыдо обойым пижыктыза але ошалге чия дене чиялтыза.



Лампычкыште да люстрышто пуракым ўштса.



Тошто окнам вашталтыза да чыла шелшым петырыза.



Пөрт көргысө техникым «А» да кўкшырак классаным налза.

Пүкшын пайдаже

Тўняште могай гына пүкш уке: икте пушенгыште кушкеш, весе – мландыште, кумшо – вўдыштө. Миндаль, кешью, арахис, фундук, кедр, кугывўкш айдемын организмжым тўрлө витамин дене пойдарат. Марий кундемыште чодырасе пүкш куандара. Тудо ушлан, шўмлан пайдале, иммунитетым пенгыдемда. Пүкш спаслан ме кажне ийын пүкшым погена. Телым, Шорыкйол пайрем годым, уна-влакым сийлена.

Анна ВИНОГорова.

Звенигово, Кожласола.

Фотомеш архивгыч налме.



➔ Чодырасе пүкшым погымеке, тудым кечеш, салмаш, электросушилкеш але духовкеш сайын коштыман.

➔ Пүкшым сўвызенда гын, сайын петырыме янда банкеш пычкемыш да юалге верыште аралыман.

Огай «Ми-ми-мишки»


Кажне йочан йоратыме мультфильмже уло, очыни. Мыланем «Ми-ми-мишки» келша. Тиде мультфильм пеш огай. Кок маскаиге дене пырля йоча-влак йырым-йырысе тўням шымлат, тўрлө арвер дене палыме лийыт. Мутлан, колым кучаш, пушенгым эмлаш, мўйым кўзаш туныктат. Йоча-влак, те тиде мультфильмым онченда?

Морко, Коркатово.

Полина АЛЕКСеева.

29 август – Мотоциклым шочмо кечыже.

Сўрет-влакым ончен, мотоциклым сўретлыза.



Тушто

Мо тынаре мўгыра,
Мардежла тораш чыма!
Ах, пөрдеш кок орава!
Мо лиеш гын? Кө пала?

Палаш огай

1955 ий 27 августышто Гиннесын рекорд книгажын икымше экземплярже савыкталтын. Ик кастене ўчашымаш шочын: пынагайык але шотланд мызе эн писын чонештылеш? Хью Бивер, мөнгыжө толмеке, ойыртегалтше рекорд-влак нерген уверым погаш да книгагым лукташ шонен пыштен.

«Ямде лий» йоча газет
Тўн редактор олмеш
Х.Г.АЛЕКСАНДРОВА.
Индекс: П4696.
Тираж 1550 экз. Заказ
Формат – А-4-8.

https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: yamdelii.pf

УЧРЕДИТЕЛЬ: Марий Эл Республикысе культур, печать да калык-влакын пашашт шотышто министерстве.

Газетым редакцийште погымо да версталыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Массовой коммуникаций сферыште да культур наследиым аралымаште законодательствым шуктен шогымын эскерыше Федеральный службын Приволжский федеральный округысо управленийыштыже регистрироватлыме.
Номер – ПИ №ФС 18-1999,
2005 ий 10 февральыште пуымо.


0+

Печатьш пуымо жап –
14-00,
фактически – 13-00

Авторын да редакцийын шонымашышт тўрлө лийын кертыт. Серыш-влак мөнгеш огыт колталт.
Ак – кутырен келшыме почеш.

Редакцийын да издательын адресше:
424006, Йошкар-Ола, СССР Вооружённый Вийын 70-ше идалыкше урем, 20-шо пөрт.
Тел. 8(8362) 45-22-82(факс)


Кенгежын чияже




Конкурсшко ятыр фото пурен. Сенгышым ойыраш жап толын шуын. Морко посёлко гыч Аня АЛЕКСЕЕВА (снимкыште) эн шуко лайкым поген. Тудым редакцийыште полек вуча. Кажне участниклан – сертификат.

Конкурс

Меракыглан кешыр марте корным муаш полшыза.



Сүретым вашмут дене келыштарен чиялтыза.



Шотлыза:



Пеледыш-влакын ймылкаштым муза.



Кок шырпым верышт дене вашталтен, 5 икгай треугольником быштыза.



Кроссворд

Рушла гыч марлаш кусарыза.



3.Основа. 4.Гласный звук. 7.Слово. 8.Наука. 9.Связь. 12.Цель. 13.Запад.

Шола гыч пурлашке:

1.Словарь. 2.Море. 3.Морфема. 5.Полдень. 6.Учреждение. 10.Фамилия. 11.Интонация.

Кўшыч йлыкө:

Н.Д.ИЛЬИНА, туныктышо.

Волжский, Карай.

Интернетысе сүрет-влакым кучылтмо.